

եւ ամբաստան լեալ զչարութեանց այլազգեացն Սիրոնի՝ յայտ արարին զամենայն արարս նոցա, և աղաչեցին զնա գրեւ և ծանուցանեւ 'ի Դուռն, եւ խնդրել հրովարտակ յԱրքայէ, զի թերեւս մարթապիւն ազատիլ 'ի ճիրանաց կեղեքչացն այնոցիկ: Իսկ դատաւորն Մէհէմէտ էմին՝ ծանոյց 'ի Դուռն զգառն զանկատանս քրիստոնէից, եւ ըստ այնմ գրեցաւ հրովարտակ առ կուսակալն և առ դատաւորն Երուսաղէմի՝ փութով բառնալ զբռնութիւնս այլազգեաց 'ի հպատակաց Արքայի, որպէս հօր եղբայր իւր Սուլթան Ահմէտ բարձրեալ էր յառաջագոյն հրովարտակաւ, զի հակառակ էր օրինաց և Կայսերական հրամանին, ՎՃԴ (1734): Սոյն հրովարտակ ընթերցաւ յատենի ժողովոյն, ուր էին եւ այլազգիք Սիրոնի, եւ պատուէր ետ նոցա դատաւորն վարիլ ըստ հրամանի Արքային, և չ'յանդգնիլ միւսանդամ յայնպիսի չարիս:

Յետ կատարելոյ զտօն Պասեքին՝ և հանդարտելոյ աղմբիկին, զոր յարոյց յարեւելս այրն Կեսարացի Եուսուֆ, որպէս գրեցաք 'ի նախընթաց գլուխն, Յոյնք եւ Հայք յերուսաղէմ եկին 'ի հաշտութիւն և արարին խաղաղութիւն 'ի միջի իւրեանց՝ երդուեալ յԱւետարանն Սուրբ: Այլ հաշտութիւն և երդումն Յունաց, թովիչ իմն էր լսելեացն Հայոց, արկանել զնոսս 'ի քուն թմրութեան եւ անհոգութեան, և ինքեանց զհետ լինել պատրաստութեան որոգայթից: Քանզի 'ի սոյն աւուրս լուծին 'ի պաշտօնէ զՄէլիտոս եպիսկոպոս՝ զՓոխանորդն Երուսաղէմի, և առաքեցին 'ի Վլահս՝ պատճառելով թէ ոչ որպէս արժանն էր վաստակեցաւ նա 'ի գործ Պասեքին. ընկեցին և զՓոխանորդն Բիւզանդիոյ՝ և 'ի տեղի նորա տնկեցին զԴիոնիսիոս քարց: Եւ մինչ հանդերձեալ էր Պատրիարքն Յունաց գնալ 'ի Կոստանդինուպօլիս, չօքաւ առ նա Գրիգոր Պատրիարք Հայոց նախ քան զՊասեքն, եւ զինի այլոց բանից՝ առեալ 'ի ձեռս իւր Մէլեթիոսի զպատկեր Փրկչին երդմամբ ասէ ցԳրիգոր, մի՛ անկցի 'ի սիրտ քո՝ թէ՛ զնամ ես վասն կուռոյ, այլ վասն գործոց իմոց. զի եթէ ոչ ելցէ այն 'ի ձէնջ, բնաւ ես ոչ յիշեմ զանուռն նորին. եւ թէ՛ Յովհաննէս Պատրիարքն Բիւզանդիոնի սիրով էր ընդ իս, ընդէ՞ր արար այսպէս, գրեա՛ նմա զի նախկին սիրովն վա-